



FOOD SECURITY AND AGRICULTURE CLUSTER

For Immediate Release:

Ministri blong Akrikalja I helpem ol farma blong oli redi blong El Nino Drae Sisen

19 June 2015

Las manis, Dipatmen blong Meteo I givim aot warning finis blong Vanuatu bae hemi experiensem wan El Nino bigfala drae sisen.

Long las wiks, ol expert long Ministri blong Akrikalja oli stap pasem aot mesej finis I ko long ol fama truaot long Vanuatu lon wanem oli nid blong save mo wanem blong mekem blong daonem ol risk blong drae taem ia long ol krop mo animol blong olgeta.

Blong mek use blong teknologi we I stap, ol ofisa blong Akrikalja oli bin sendem aot wan text mesej I ko long evri usa blong Digicel blong oli mas planem ol sid we oli holem I stap blong oli save harvestem ol krop ia bifo drae taem I kam strong. Naoia we smol smol ren I stap foldaon iet hemi las janis wantaem blong planem mo havestem ol vejtabol we oli kro kwik olsem kabis mo kukamba. Sapos ol fama oli weit bae ples I drae tumas mo bae ol krop ia oli ded.

Ol akrikalja ofisa we oli kam aot long Dipatmen blong Akrikalja, VARTC, FAO mo SPC/GIZ oli putum tugeta wan buklet we hemi givim samfala wei blong krop I save laef long drae taem, olsem usum mulching (gras mo lif blong kaveremap stampa blong krop) o blong planem ol krop andanit long ol smol smol hud.

Sapos yu nidim moa informesen long wanem blong planem naoia we El Nino bigfala drae taem I stap kam aot, plis kontaktem Dipatmen blong Akrikalja long 22525 o sendem email long fsacreport@gmail.com